

鴻雪因緣圖記

第二集

鴻雪因緣第二圖記序

夫謝傅功高望酬朝野燕公筆健氣助江山按
部則甘雨隨車移鎮則陽春有脚造蒼生之福
命是大因緣考赤縣之輿圖有真經濟倘不標
題金石潤色丹青何以紀運甍之分陰寫攜琴
之寸抱哉則有神清永叔副本爭描才富樊南
甲編早訂華年駁歷先工鸞手之摹棠舍循行
新樂騶牙之咏經綸道大山水情深如我

DB48/5

年伯見亭麟公者，固泉壑之夔龍，衣冠之巢許也。公向有鴻雪因緣圖記，今又輯而增之。職領封圻，已逾十稔，相徵通貴，復繪三毫。狀鄴侯之九仙，撰會昌之一品。年倣麟經之繫，其旨數千；序符象服之朝，為圖八十。幸捧函而雒誦，竊比類而參觀。今夫臣亮天功，薰廷之景運，孝為人瑞，瓠史之名言。師友繫于周官，靈異參乎羲易。心歌腹咏，慕漢吏之循聲；智水仁山，悟宋儒之理趣。

揭其體要，詮厥因緣。

公績奏旬宣，榮膺晝接廿七最，刻書之冠，五六刻
溫語之咨。韓忠獻建白，褒誠賜庶胎之內膳。董
師中焚黃給假，省馬鬣之先塋。陳臬中州，平章
庶獄法，刪杜律，風披棘木之清，奏釋

堯塵，瑞吐榴花之燦。

命承重巽，道邈由庚。貴筑開藩，武昌填撫。上鮑照河
清之頌，任寄宣防。際袁昂官達之年，字

頒福壽。宣捷領戰圖之十。攝官佩節篆之三。

恩遇之隆，其緣一也。

公何籌衍澤，陸社升馨。延年居官，履杜周之舊位。

榮公養志，奉申國之徽音。經幔高懸，斑衣懽侍。

蘭閨輯錄，補窈窕德象之篇。彤管徵詩，采澄景。

靈葩之白。堂顏再至，暉答三春。樂姑婦之談棊。

品女孫之賦茗。

公之擢任黔陽也，路同蜀道之難，時緩崔輿之奉。

梅花繪扇，深荷慈恩，椹澗瞻雲，曲伸孺慕。今雖感縈蒿蔚，景逝桑榆，而大體深知，

獎承天語，遺容宛在，畫倩神工。勝蔡母賜帔之褒，同丁子刻檀而祀，顯揚之報，緣又一也。

公學有淵源，味同沆瀣，濟州舊輔，授鉢傳衣。胥浦元臣，推襟送抱，識李沆之風度，決富弼之勲名。黃閣登庸，預贈吉祥之券，紅橋修禊，先憑丞相之茵。禮習龜劉，集同寮而校獵，字摹蚪篆，招良

友而摛奇。獅峯趺坐之時，談偕釋子；鹿舐長鳴之候，秋辨騷人。贄文酬舉主之知，讀曲送使君之去。依紅泛綠，王侍中蓮幕之才；酌酒簪花，陳太傅藥欄之宴。賓延珠履，士度金針。氣誼之孚，緣又一也。

公文昌度世，古佛前生。光飛樓上之丹，靈驗祠中之玦。隱顧長康之葉，元妙尋蕉助鄭巨君之風。汜光證夢，回道人懸壺之樹。仙蹟留題，爰寄生

吹笛之灘，神禽飛送。蓋立德功者，必關運數。懷
忠信者，可涉波濤。螭蟠沉水之碑，嘉名預定。魚
獲專車之骨，朱篆群觀。轉漕連檣，雨喜神龍之
助。減流啓壩，汗驚泥馬之沾。尅禮河報祭之時，
請星瀆昭靈之額。神貺之甄，緣又一也。

公胸羅璣斗，識炯晶燈。無蘇味道之模稜，有劉真
長之鎮靜。慎終如始，奉

宸訓之周詳。濟猛以寬，副輿情之愛戴。疏清刷濁，速

蜚漳水之芻，敷澤騰歡。瑞咏梁園之雪，指嚴程而叱馭。撫峒戶而頒條，材珍藥籠之儲。教同蜀郡，花禁米囊之種。治比崇陽，免瘠土之催科。旌生苗之孝義，蕩英徙節。戮毳攀轅，驗額馬于荆營。探鎮犀于息壤，且也。經明禹貢，楫作洪源。月隄衛貞應之祠，水誌定天然之牖。列修防之器，具創繪全圖。建砌石之津梁，永占利涉。樓船習戰，威控三江。鼎筴籌鹽利，通九府。為萬民之慈。

父洵一代之名臣。施濟之宏。緣又一也。

公持佩黃神書披蒼水。詢俗勞褰帷之駐。哄騶減
負弩之迎。古木寒煙。弔李唐之詞客。踈鐘清磬。
游石晉之禪林。南陽本嶽降之區。歡迎滅獲。秦
洞非津迷之地。誕闢神仙。石窟光圓。精參著理。
甕灘地險。博證桑經。酌扁跣之靈泉。眺龍從之
曉日。橘盃春餞。松炬宵燃。探宛委之書。洞天華
妙。塑僧伽之像。梵相圓明。理燮陰陽。丙吉停車。

之問，恩周物類，孔愉篆紐之徵，抒懷則霽月光
風繪景，則河聲嶽色，遊觀之壯，緣又一也。況夫
嶽視三公，崇銜日峻，波澄千頃，宏量天成，雅頌
同文，冠自題之韻語，韋平作相，卜繼起之勲猷，
裴中立命，值廉貞，張方平堂留畫象，則此八十
圖者，殆初集之嬋連，後緣之惶引乎。安瀾奉鑄
顏之訓，驥尾趨塵，叨御李之榮，龍門侍列，序慚
鄭亞韻，叶王筠。此時讀畫高齋，常接九天欵唾。

異日圖形傑閣更看七寶莊嚴謹序。

道光辛丑秋八月年家子金安瀾拜撰



--	--	--	--	--	--	--	--	--

鴻雪因緣圖記者，兵部侍郎汪南河道總督長白麟公之所作也。自髫髻之歲，至四十歲，為圖八十，是為第一卷。自四十五至五十，為圖八，為第二卷。其第一卷，阮相國、祁尚書序之矣。道光辛丑秋，自珍過淮，以內閣後進禮謁公浦上，睇字其容，慰勞有加，使自珍綴言於第二卷之簡端。微公命，自珍

固有所不言，重以公命，烏能無言。古
今名臣碩輔，所遇之世不齊，為承存
之臣易字，為憂勞况瘁，盤根錯節，立奇
功，戡大變之臣易乎。則必曰：為承平者
易矣。雖然，固有辨。今夫所遇而永承
平無事也，起家科名，致身華臚，一切
勿問，固不得預於賢大夫之數，其人固
良易賢矣，不甘以科名華臚竟矣，不過

博覽書史，周知掌故，上呈以備人主燕
閒之顧問，宦轍所至，宏獎士類，進
其春華秋實之士而揚扆之，其人維賢，
誠無甚難及者。若乃內韞發略，外示
行餘，蓄孟門積石於方寸，可以譚笑
生風雷，而汪洋澹涵冲字黃易，使人
不見駛疾蕩賊之迹。粹有事變，投
袂而起，若勁弩激箭之發，若儲之數十年

於其衷衷間者。之人也。蓋於天下可以常。
可以變之。全局大勢爛熟於胸中。而
不可方物。以逶迤於承平華燠者也。斯
豈尋常會計所能以肥軀輕者。今我
麟公則殆其人哉。殆其人哉。百有六十
圖。雖亦談人倫之樂事。妙門內之祥和。簪
筆以入。乘輅以出。無亢厲之言。有廻翔之態。
公弱冠通籍於